

江都縣志卷之八

試江南揚州府江都縣知縣 臣 陸朝璣奉

旨編輯

山川志

水利附

山

甘泉山在城西三十五里大儀鄉高二十五丈周二里

考證嘉靖惟揚志云山上有甘泉七峯聯絡如斗

平地錯落諸圓岡凡二十八如列宿拱斗然第一

峯環視旁圍諸山在江南者巖巖如列坐前舊志

云或謂厲王家按寶祐志云漢厲王胥家在東武

江都縣志

卷八 山川志

鄉郡國志云廣陵厲王胥家歲旱鳴鼓遶之輒致

雲雨豈所謂甘泉者取義於此耶不敢臆說姑記

以俟知者

盤古山在城西三十里西與鄉上有盤古墓俗呼廟山

浮山在縣治西五十步禹王廟前高三尺二寸長四丈

五尺濶一丈一尺以其浮於地故名

考證名勝志云浮山其狀似鐵不生草木

附錄

國朝郭士璟詩支機一片落蒼茫砥柱何勞版築忙安得百川浮百石浪花沙捲盡成桑

北洋山在城西三十里萬曆縣志作白洋山

金匱山在城西七里善應鄉高十丈周二里地多墓田



形家以爲黃金入匱云

馬鞍山在城西北三十五里大儀鄉高一十三丈周二十五里狀如馬鞍因名

得勝山在城西北三十里大儀鄉高七丈周二十五里宋紹興初韓世忠勝金人於此因名

蓆帽山在城西北一十二里大儀鄉高七丈周二十五里狀如蓆帽因名俗呼帽兒墩

小金山在北門外

考證名勝志云宋熙寧間丞相陳升之判揚州時建雲山閣呂申公爲守而新之淳熙間鄭興裔又

江都縣志

卷八 山川志

二

撤玉鈞亭以增大之曰雲山觀寶祐中賈似道重建雲山閣於小金山卽環碧亭址又建平野堂卽觀稼堂址揚人遊觀四時不絕按嘉靖惟揚志云陳升之判揚州建閣於子城上曰雲山萬曆縣志云升之所建雲山閣迺梅花嶺舊基賈似道所建在小金山蓋蹈雲山之名而非升之之舊地也

附錄

明葉相菩薩蠻詞小金山下荒墳路東風無力傷心處偶喚小輿過羅衣暗濕多望眼空疑佇惟見鴉啼樹悽悽重悽悽一輪紅日西

土山在南門外西隅

新土山在新城廣儲門外今名梅花嶺明湛若水甘泉

書院故址

考證按郡邑舊志明萬曆二十年秀水吳秀守揚州濬河積土而成也舊名土山樹以梅遂名梅花嶺緣嶺有樓臺池榭東西翼以諸州縣公署曰會館統名之曰借樂園萬曆三十三年太監魯保重修知府朱錦作碑記雷道檄毀之存其堂與樓為諸生講業之所名崇雅書院今亦廢嶺前有前明相國史可法墓蓋墓衣冠處也

附錄國朝王士徵梅花嶺懷古詩梅花嶺外夕陽時步屨重來有所思異代衣冠餘蔓草千年伏臘只荒祠無城落日人烟杳瓜步清秋戍角悲蕭瑟西風松柏樹春來猶發向南枝 李國宋晚

江都縣志

卷八

山川志

三

登梅花嶺詩獨客頻來往黃昏嶺上頭白雲天地合荒草古今愁鴻鴈饑民國牛羊故相邱那堪吹暮角還傍郡城樓

九龍山在城西南一十五里豐樂鄉下接湖水萬曆縣志作九龍岡

康山在新城內東南隅

考證府志云康山在明給諫姚思孝宅內上構堂董其昌題曰康山草堂以武功康海失職後曾來此與客讌飲彈琵琶處也

附錄國朝汪楫登康山有感詩嗚呼自古宦官之禍人國多少賢臣救不得我讀前史屢見忽到康山重太息此山故主何給諫此山得康修撰修撰一代之忠良嫉神官官如犬羊無端劉

蓮執國柄欲殺直臣李夢陽道路洶洶爭不可李
山對山能活我對山者誰修撰字瑾獨相下
忌陳實但肯弔張讓聖主何難宥狂吏錦木
慶重生金馬門前損令名無復鳴珂入翰苑可憐
着屐到蕪城吁嗟乎瑞禍最數先朝烈正人三度
嗟流血只圖聲名光竹冊那顧朝廷成瓦裂就中
豈少苦心人幹旋往往遭摧折悲高北望轉生哀
萬里秋風白骨風只此山名藉康姓時時有客抱
樽來孫枝蔚寄題康山兼懷張恂舍人詩平山
雖勝地吾近愛康山故里風流人去此不復還空
如謝公墩遺蹟在人間謝公對桓伊流涕何潛潛
康公盛意氣樂府付歌鬟富貴何足道勳名亦等
閒藏鼓三百副客來聊破顏琵琶不離手詩成懶
更刪幾時下揚州何事出滄關大抵高興發焉知
進退艱傷哉談笑地惟聞烏綿蠻近日張涇陽才
望迥難攀風雲亦踰證此事信天慳古來高一藝
白首餓塵寰况君視武功久為兄弟班飲酒生哀
樂頃刻成循環勿嗟百鍊鋼繞指今易彎幸居一
城內不得合如環乞食來小邑楓色正青殷古人
既不見見同心失追返忘情豈易學身非木石頑

江都縣志

卷八

山川志

四

岡

蜀岡在城西北四里一名崑岡鮑照蕪城賦軸以崑岡
謂此上有井其脉通蜀曰蜀井

考證方輿勝覽云舊傳地脉通蜀故曰蜀岡大觀

圖經云蜀岡今枕禪智寺卽隋之故宮寰宇記云

蜀岡有茶園其茶甘香如蒙頂蒙頂在蜀故以名

岡朱子云岷山夾江兩岸兩行一支去為江北訖
多去處又曰自嶓冢漢水之北生下一支至揚州
而盡洪武舊志云揚州山以蜀岡為首嘉靖惟揚
志云蜀岡上白六合縣界來自儀徵小帆山入境
綿亘數十里接江都縣界迤邐正東北四十餘里
至灣頭官河水際而微其脉復過泰州及如臯赤
岸而止

附錄 宋蘇軾次韻伯固遊蜀岡送叔師奉使嶺表
詩新苗未沒鶴老葉初翳蟬綠渠浸麻木白
板燒松烟笑窺有紅顏醉卧皆華顛家家機杼鳴
樹樹梨棗懸野無佩犢子府有騎鶴仙觀風嶠南
使出相山東賢渡江弔狼石過嶺酌食泉與君步
徙倚望彼修連娟願及南枝謝早隨北鴈翩歸來

江都縣志

卷八

山川志

五

春酒東共看山櫻然 明劉節宴蜀岡閣詩挾風
盤日上崇岡高閣凌虛思渺茫雲擁旌旗翻睥睨
鳥飛湖樹雜帆橋十千禾黍登秋早無數山峯接
海長四美於人堪發興故應萸菊近重陽 國朝
彭孫適蜀岡眺望詩平岡徙倚起悲風回首鄉關
思不窮芳草多情春後長碧雲無際暮天空蜀川
地接江流外秦塞人來夕照中莫更披榛尋往事
烟蕪一帶是隋宮 孫枝蔚蜀岡眺望和彭駿孫
詩行處烟花異昔聞岡頭極目有晴雲炎天忽想
峨眉雪高塚都非暢帝墳作客愛看西去馬蕩舟
休畏北來軍同遊半是江南叟咫尺青山對夕曛
孫默九日登蜀岡詩平岡樹樹老秋空一帶寒
山望不窮野岸黃花迎短杖村橋濁酒入孤篷
荷尚戰風聲亂古蝶剛銜日影紅挿罷茶更聽
首隋隄明滅落飛鴻 吳季蜀岡夕望詩十里江
山日漸昏憑高一騎盡乾坤河邊金塔沉雙影江
上青峯隱數痕戰馬會嘶新戍壘歸鴉閒數
舊宮門錦帆正輦人何在惟見烽烟起暮村
火岡在城東北七里大儀鄉東接灣頭鎮淮子河口與

蜀岡相屬

獨岡在城西北四十五里彭城鄉以此鄉獨有此名

浮城岡在城北二十八里豐樂鄉新城湖高二丈周四十餘丈

桃花岡在城南一十五里永正沙寰宇記云上有吳王墓

阜

蠻王阜在城東南五里第二港舊傳金主亮軍此築土墻周廻十五里

江都縣志

卷八 山川志

六

谷

蒙谷在城東北五里竹西亭之北

附錄 宋歐陽修詩一徑崎嶇入谷中翠條紅刺罥春叢花深時有人相應竹密初疑路不通
梅堯臣詩茗園葱蒨造與山籠一夜驚雷發
舊叢五馬留連未能去土囊深處路微通

嶺

駱駝嶺在縣治北一里許其形巖崿如駱駝脊故名今縣學在其上

林

皂角林在城南三十里

考證輿地紀勝云紹興中金主亮南侵劉錡自淮

陰回軍瓜洲金將高景山以十萬擣瓜洲錡伏兵
皂角林斬之

附錄宋楊萬里詩水漾霜風冷客襟苔封戰骨動
人心河邊獨樹知何木今古相傳皂角林

鳳凰林在城北三十二里招賢鄉宋紹定四年有鳳凰
來儀因名其地曰鳳凰林

原

東原在宜陵東南十二里明進士宗名世讀書處

江

楊子江在縣東南四十五里

考證山海經云江出汶嶺神升遷縣岷山東南經

江都縣志

卷八

山川

七

蜀郡犍為至江陽東北經淮南下邳至廣陵郡入
海前漢書地理志云江都有江水祠渠水首受江
北至射陽入湖水經注云淮陰縣之中瀆水首受
江於廣陵之江都寰宇記云大江西南自六合縣
界流入晉祖逖擊楫中流自誓之所南對丹徒之
京口舊濶四十餘里謂之京江今濶十八里魏文
帝登廣陵觀兵戎卒十餘萬旌旗數百里臨江見
波濤洶湧而歎曰吾武騎萬隊何所用之嗟乎此
天所以限南北也大觀圖經云楊子江自黃天蕩
西牛步沙與建康為界由瓜步下小岬山徑儀徵

境南東下至鐵釘港鵝翎蘆與鎮江分界東北
江都徑通州入海所謂楊子江也府志云沿江之
田澇則容水旱則引潮凶歲無憂然漲沒不常沙
橫水急時為堤岸之害

康熙三十八年

聖駕南巡

御製下長江舟中詩一鷺蘆中起雙鷗沙上鳴翠烟含

碧嶂瑞靄覆瓊英洲轉牙檣亂江流大塊橫智仁山
水德動靜也移情

康熙四十四年

江都縣志

卷八 山川志

八

聖駕南巡

御製過江至常州雜詠四首之一風中楊子渡舉棹過

長江暮色低連水晴光月照窓

附錄

魏文帝臨江觀兵詩觀兵臨江水水流何湯
湯戈矛成山林元甲耀日光猛將懷暴怒騰

氣正縱橫誰云江水廣一葦可以航不戰屈人兵
戢兵稱賢良古公宅岐邑實始翦有商孟獻營虎

牢鄭人懼稽顙克國務耕植先零自破亡興農淮
泗間築室都徐方量移運權略六軍咸悅康豈如

東山詩悠悠多憂傷 隋柳詒奉和晚日楊子江
應教詩大江都會所長洲有舊名西流控岷蜀東

汎邇蓬瀛未覩纖羅動先聽遠濤聲空濛雲色晦
淡疊浪花生欲知暮雨歇當觀飛旆輕 唐丁

芝渡楊子江詩桂楫中流望空波兩岸明林
子驛山出潤州城海靜邊陰淨江寒朔吹生

楓葉下浙瀝渡秋聲 李白詩橫江西望阻
漢水東流揚子津白浪如天那可渡狂風愁殺

帆人 劉脊虛暮秋楊子江寄孟浩然詩木葉紛
紛下東南日烟霜林山晚相向天海空青蒼曠色
况復久秋聲亦何長孤舟兼微月獨夜仍越鄉寒
苗對京口故人在襄陽水思勞今夕江漢遙相望
權德輿晚渡楊子江寄江南親故詩返照滿寒
流輕舟任搖蕩支頰見千里烟景非一狀遠岫有
無中片帆風水上天清去鳥滅浦迥寒沙漲樹晚
疊秋嵐江空翻宿浪胸中千萬慮對此一清曠回
首碧雲深佳人不可望 謝谷詩楊子江頭楊柳
春楊花愁殺渡江人數聲 謝靈運離亭晚君向瀟湘
我向秦 宋王令過楊子江詩長江來何從遠自
西極詹中破蜀山流始與巴水兼川原日混合激
射勢益嚴奔渾萬里流不自頃刻淹駭如瀉天來
急若赴海添潮汐日往復旦暮難安恬攻衝氣何
雄吞鬻勢未厭因思禹功成匪自竟謀命久已
効驗豈復頭今黔余來方冬時怒風何沾沾掀
駕高浪山阜相聯粘有如合萬鼎就沸烹群檢天
陽盛炎爍鬼力争包燭聲勢欲狀說有口嗟如符
須臾稍收歛晴風蕩氛叢涌澄動自息按拭痕無
纖宛然帝女鏡仰照青天奩遐觀清神心俯視分

江都縣志

卷八

山川志

九

眉髯有如堯舜時惠澤四海霑登賢默與慮流惡
聲無咄咄洗除巖穴空蕩滌昏姦殲恩波浩滂沛浸
潤咸滋漸群山西南來垂天下帷幃霜風日凌厲
紫翠生觚簾無波互澄照黯慘書一縑扁舟出中
流俯仰迷顧瞻人生貴自便苟信何用占方期謝
黃塵竊身放蒼蒹閑從魚鳥遊默想蛟龍潛築室
近釣岸巉岨插居簷行春綴芭薇坐晚登鱗鮎仰
思峻極高俯愛善下謙更於虛曠間日放詩鋒銛
行求避世交望醉江城帘出處要皆道終窮亦何
嫌 文天祥渡江詩幾日從風北海遊回從楊子
大江頭臣心一片磁鍼石不指南方不肯休 元
吳萊風雨渡楊子江詩大江西來自巴蜀直下萬
里澆吳楚我從楊子指蒜山舊讀水經今始睹平
生壯志此最奇一葉輕舟傲灞雨怒風鼓浪屹屹
城滄海輪潮開水府婁迷濶恍如見潏滉扶不
杳何所須吏草樹皆動搖 魏瓘如見潏滉扶不
鯨漲頗心掉明月貝宮終色侮吟倚金山有
望窮采石無朝躡誰歎敲齒咒能神或有偏
莫吐向來天堑如有限日夜軍書費傳羽三
氏類魚鱉兩淮大將猶熊虎錦帆十里徒吹李鐵

鏡子尋竟然炬桑麻夾岸收職塵蘆葦成林出漁
戶寧知造物總兒戲且獲長川入樽粗悲哉險阻
惟白波往矣英雄誰羨黃土獨思
萬載疏鑿功吾欲持鴈祈神馬

淮

淮山海經云淮水出義陽平氏縣桐柏山山東北經汝
南汝陰淮南譙國下邳至廣陵縣入海按盛儀舊志云
淮無至廣陵入海之理郭璞豈誤聞或一時水汎偶經
耶近日黃河內灌與淮合流奔騰衝決汎溢高寶邵伯
諸湖淮水直達廣陵趨入江海而郭璞之言竟驗

河

市河在縣治東城南北各設水門引河水貫城中以通
江都縣志 卷八 山川志 十

舟楫居民便之明萬曆間郡守吳秀疏濬有記近苦淤
塞

附錄

吳秀記曰邗溝水國也民利舟楫云兩城並

峙市河虹亘其延樓櫓而濠則為舊繞匝市
居者納垢積穢溼塞由來斬矣粟米絲麻之屬不
得不以車代舟以擔易篙勞費滋甚且譬之一身
榮衛不貫必至立槁用是民昔露積而今懸磬又
地通海微匪豪何以設險乎邗十二月不穀視郡
事縉紳先生及父老言大邗如此不穀扼腕太息
日億千年而陵為谷谷為陵者氣數也不百年而
水幾為陸豈非人事乎夫邗有胎胎不得胎胎而
剔之安能轉害而利也邗覽廣諷知河之北來有
高橋若干丈樊民輒墮以魚獵利如飲者之絕其
喉民視其河如屈轂之瓠無所用之益憚畚鍤也
命起壩舟達水門外乃下令曰其礎於岸者益月
溼塞之今濬如其居鄉大夫之高其閘者俱益石
藏之華其壞者從之蓬華圭膏者亦從之益石
礫化而湯湯即無論設險舟楫地脉諸裨益乃家

揚波而戶挹流如觀神漢利可知矣而新城北面
猶然無濠縉紳先生及父老請所以鑿之如濬舊
濠議蓋民一旦受濬濠之利而遂沾沾觀以舊濠
之利利新城也民見不穀之拮据濬濠而意始事
於新非不穀莫以也不穀惟民利是利獨計鑿濠
非若濬之可因居而役縉紳給於官官無所卒辦
時巡鹽御史王公捐贖緩若下鈔關主事伍公暨
運司裴公各以俸佐之亦獲舉畚鍤自西自東
數百丈而地阜土踈旋濬至癸巳春三月始
成功兩水合流款乃之聲不絕人人喜其復而悲
其晚也於是士大夫請紀其顛末雅念胼胝以濬
鑿茲兩河良苦其業無如此郡符何托之乎蠹國課
河有如剗刃於其胸日望不穀之朝解郡符而暮
捧土以壩也其業無如此郡符何托之乎蠹國課
而以青蠅之營營以中也必令惟關而無濠其民
聞之寸儲半菽朝夕由初以進而糊其口者悉割
之以肥其橐始快耶且也詎有容舫之濠而致商
賈峨然之帆相望乎縱濠可舫帆而南北一河將
焉通之意何大繆展不經也此固弊民漁獵利之
言也君子無為利所餌而使弊民得志哉則河利

江都縣志

卷八 山川志

十一

若承
承矣

運河在城東南一名漕河一名官河即古之邗溝也

考證吳越春秋云吳將伐齊掘江通淮運糧之水

路也故後世以為運河今運河西南自儀徵江岸

東行四十里至石人頭入江都縣界又十五里至

楊子橋南自江都縣瓜洲鎮站船塢北行三十里

亦至楊子橋二河始合東轉又北行六十里至邵

伯鎮又北行六十里入高郵州界又北行四十里

至界首入寶應縣界又北行至黃浦接淮安府山

陽縣界由清江浦入於淮

附錄

國朝史疏河防議曰江都河渠有關於河防
線漕堤與河俱長而最險要者則自邵伯金家灣
起北至露筋界牌止計堤四十餘里堤以西曰上
河自朱家湖黃子湖迤西地勢漸高常憂旱堤以
東曰下河自堤迤東勢漸低常憂澇昔晉謝太傅
始築邵伯堤以界之堤以西無旱憂堤以東無澇
患民皆便之其遺愛比之召伯甘棠至明李高
堰失修翟壩冲决水勢直灌高江此江都漕堤之
所以屢决而民胥為魚也然患雖中於江都而所
以受惠之故則有來源去路不僅在江都也試約
而言之須分三路治水之法可得而該矣三路者
何曰上流中流下流也上流不治則來水無窮雖
日治中流無益也中流不治則蓄澇無方雖日治
下流無益也下流不治則水無去路雖日治中流
亦無益也所謂上流者高堰周橋翟壩是矣高堰
宜幫濶也周橋不可開也翟壩宜堅築也則淮水
不致旁洩得以全力冲出清口上而清口不淤下
而高江不溺矣再查高堰之上有歸仁堤又宜照
舊制實築也歸仁堤築而洪澤湖來流減半高堰

江都縣志

卷八 山川志

翟壩俱為易守則來源既少而上流治矣所謂中
流者自淮至揚運河漕堤是也舊制十里設一小
閘旱則蓄澇則洩以濟漕運以衛民田也又口堤
西諸湖雲雨非常及清江浦之上通濟閘水不涸
與盱眙天長高良澗水陡發運河不能容受於是
在山陽則開涇河黃浦二大閘在寶應高郵搭界
則開子嬰溝大閘在江都則開金灣三閘及新河
十四里芒稻河東西兩閘自邵伯至江不過三十
二里洩水最為直捷康熙年間河院王光裕又於
兩閘之西開閘三門亦因此地洩水最易也但金
灣閘門尚窄閘下新河孔家灣南北淤沙淺窄並
開通廣闊也再將陸漫溝以北開一二大閘使運
河水勢南北分洩則溝漫有方而中流治矣所謂
下流者則范堤各場之海口是也雲堤關在昔上
為淮水尾閘致能容受而無沙淤之患自宋神宗
熙寧間黃河南徙黃始入淮濁流夾沙而行稍一
旁决則勢緩沙停河塞愈塞愈决愈决愈塞
且黃家嘴七里溝相繼旁决而雲梯關太淤下
此病是雲梯關為黃淮雨水之尾閘乃第一要緊
海口不必言矣其外若山陽之廟灣海口鹽城之

石礎天妃廟海口與化之劉庄青龍橋口白駒之
開龍港口草堰之滿河口小海之小海州秦州
丁溪之龍開港口河黎車兒埠之海州秦州
皆所以洩堤東七邑之水者也年來非不開放而
究竟田廬不免滄沒人民不免漂溺屢蒙恩破格
蠲賑而仍不免於水患者有二說焉一則各海口
離漕堤俱三四百里而遙紆迴曲折不能直達也
一則下河七邑四高中窪地形如釜沿堤減開之
水譬之由釜邊而出夫水由釜邊而出則釜底之田廬
已由宛在深淵矣昔輿志有云沿堤三十餘減開之
水滔滔東注非民用受之而焉往也又王文通云
堤東下河之水既不通江又難到海者誠有見也
故運河之水導之入江入海者上策也不得已而
洩之下河則常準漕堤開閘之水與各場海口之
數相等庶來源去路足以相備而其中之行水河
路積年淤塞尤不可不亟為浚者也
在涇河黃浦之下則射陽湖一路子嬰溝之下則鹽城舊官
河一路清水潭之下則泰山廟東河一路以及興
化之海溝河白望河車路河邵伯之下則顏家庄
而下流亦治矣

江都縣志

卷八

山川志

三

運鹽河在城東北二十里

考證漢吳王濞煮海為鹽因復開邗溝自揚州茱

萸灣通海陵倉及如臯嶧谿此即運鹽河之始也

河自灣頭起東行七十里至斗門入秦州界又東

行一百六十里至海安入如臯縣界又東南行一

百一十里至白蒲入通州界又東行七十里至如

寨入海門界又東行八十里達呂四場其支派通

各鹽場皆為運鹽河沿河諸堤壩具通秦志

自運鹽河而東河渠溝港聯絡貫注於通泰與鹽
各場者統名之曰串場河歲久淤澱開壩啓閉之
制俱廢我

皇上軫念商民

特命各部院大臣勘驗故道大加開濬鹽艘農田均享
萬世之利矣

白塔河在城東北六十里

考證明永樂七年平江伯陳瑄所穿置新開潘家
莊大橋江口四閘以備蓄洩漕舟由常州西北孟
瀆河渡江自運鹽河至灣頭入漕以省瓜洲盤壩

江都縣志

卷八 山川志

古

之費歲久湮塞成化間巡河郎中郭昇復疏之增
設閘壩淺鋪終以淤淺復移漕瓜洲嘉靖三十年
郡守吳桂芳開浚故道置巡檢司屬兩淮運使以
防私販而漕道不由是河入矣

附錄

國朝吳嘉紀詩朝發黃金壩暮宿白塔河
流上河泥土沃夏收麥菽秋登禾人家隱隱
暮春遠楊柳脩脩燈火多咫尺下河沒洪水哭聲
水聲一千里上河農厭下河哭船來繫樹遭驅逐
同是耕田鑿井人
何惜樹陰不借宿

伊婁河在城南十五里

考證輿地紀勝云伊婁河卽楊子鎮以南至江之
運河也隋以前楊子鎮尚臨江至唐江濱積

二十五里開元間潤州刺史齊澣奏開此河以通

運道

附錄

唐李白題瓜洲新河餞族叔舍人賁詩齊公鑿新河萬古流不絕豐功利生人天地同符滅兩橋對雙閣芳樹有行列愛此如甘棠誰云後攀折吳關倚此固天險自茲設海水落斗門潮見沙沈我行送季父輝輝徒流悅楊花滿江來疑是龍山雪惜此林下地曾為山陽別瞻望清洛塵歸來空寂蕩

灌子河在城東北十二里一日懷子河自儀徵陳公塘

來西北分派直接雷塘下達淮家河

考證按萬曆縣志引儀徵志謂懷子河在儀徵縣

東北三十里又引疆域圖謂界乎句城陳公二塘

江都縣志

卷八 山川志

五

之間疑此河兩縣所共夫河渠隨時遷移名號無

定今據此河距揚城東北十二里西接雷塘東達

運河與槐家河相屬則非儀徵之懷子河可知但

歲久淤淺波流澹涸雍正六年

欽命大臣督工開濬數十里河流貫注舟楫可通永享

灌溉之利

槐家河在城東北十五里本槐姓者所開故名自陳公

塘接雷塘引水至灣頭入運河

沙河在城東十里

考證宋雍熙初淮南轉運使齊惟岳開沙河四

里創二斗門於西河設懸門以蓄洩水利自運河
達楊子江今舊基猶存

龜山河在城西一里一日保障河自南門通古渡橋北
抵紅橋西遶法海寺舊志謂每至春日遊船歌吹咽岸
寒川

龍河在城西北砲山河之前東通運河

山洋河在城東北六十里瀕宜陵鎮一日山陽河

考證山洋河舊通運鹽河南接江潮北至樊汊達
高郵界相傳卽隋山陽瀆也明萬曆二十四年知
縣張寧築壩塞之僅爲竇通水以資灌溉兩岸田

江都縣志

卷八 山川志

六

數千頃不能補及一遇旱歲盡成石田至大水決
堤又同歸陸沉矣須天加挑濬深廣開洞旱則引
水灌田澇則洩水分勢庶水旱均有裨益也

寶帶河在南門外文峯寺北一日玉帶河明萬曆二十
年知府郭光復浚三十三年知府朱鼎又濬以挽河直
流

新河在城南二里

考證明萬曆二十五年巡鹽御史楊光訓奏發帑
七千緡有奇檄知府郭光復開濬自南門二里
入西向長一百六十丈折而南長四百一十丈又

折而東長一百六十五丈周迴共六七里從姚家港入舊官河

柴河在城北三里東通運河西接市河相傳為舊城濠南岸城基猶存

三汊河在城西南一十五里江都儀徵瓜洲至此水分三支故名三汊河康熙三十八年

聖駕南巡駐蹕於此命名茱萸灣

芒稻河在城東北自灣頭入運鹽河東十里曰芒稻河南通江西北接金家灣通邵伯湖一名導河

附錄 國朝鄧漢儀曉過芒稻河詩曉雨霏霏濕平川取渺流忽驚濤欲裂真訝地空浮淮酒奔

江都縣志

卷八

山川志

七

雙關蛟龍拆數州頻年憂瓠子生事羨漁舟

邵伯新河在城北三十五里一曰人字河因水激分流

象人字也

考證 邵伯鎮南五里許曰金家灣下通楊子江明萬曆間河臣奏發帑金三萬有奇募工挑濬自金家灣至運鹽河十六里入芒稻河開又十八里下

江淮水入江之道莫捷於此

附錄

國朝大學士王永吉新河水勢三阻說曰芒稻河開新河之下口也兩關六門共計十一

丈則上口金灣開當較闊兩倍雖二十餘丈不為過也今金灣上口三關六門止八九丈耳是所入少而所出多此水勢一阻也今若於金灣開南或石工中間再開數口以洩湖水則此一阻可無慮

矣自開而下河路甚寬有濶至二十丈者有濶十
餘丈者惟孔家渡南約一二里許濶止五六丈小
大止深四五尺稍小則濶矣水勢至此中梗此亦
一阻也今若將此淺狹之處挑深改濶如萬曆年
間舊制俱濶十五丈使水通行則此一阻又無可
慮矣至於新開月河水橋之南有兩舊河直對若
稍河水東西兩開之口所謂人字河是也每年水發
運河水至堤而此河有數箭之地深不過二三
尺以至水勢東西分流不能直射開口此又一阻
也今若將此河挑深則水勢直注開口下江此一
阻又無可慮矣然三阻不治則是有洩水之名
而無洩水之實欲濬之而不崩決人民之不漂溺
豈可得也

邵伯越河在城北四十五里明萬曆二十八年總河劉
東星檄中河郎中顧雲鳳於運河東筑越隄引河行舟
以避湖險

江都縣志 卷八 山川志

新越河在邵伯鎮南邵伯舊有南壩車樓居民稠密商
賈輻輳之所康熙三十八年洪水衝也更樓官堤民屋
倏成巨淵事

欽命都察院左都御史壽鼎刑部侍郎喻成龍堵塞决堤復
開越河一道自倉巷口西向折而南至大王廟止築南
北二壩北向鎮以鐵牛水患永平漕運無滯

堰

平津堰即運河隄又名漕河隄北逕高郵寶應西逕
徵南逕瓜洲紆迴二百餘里

考證唐興元中淮南節度使李吉甫築江都等
漕河隄護田數萬頃號平津堰宋天禧天聖宣和
間前後增築閘壩備具明景泰中復治堤造閘引
塘水以濟運河逮

國朝尤加意河防修治運道雖湖水泛溢如陸漫溝
清水潭邵伯更樓諸險要之地間有衝決即大發
帑金堵築永固今二十餘年淮黃底定水無齧隄之
害而思患預防幫土甃石之工歲未嘗輟也

附錄 明知縣張寧議曰漕河為南北咽喉蜿蜒千
里而邵伯一湖尤漕河之最險要者然其勢
本仰受淮水之餘特以接運白蒿水勢大淮不為
敵不得遂其歸海之勢則轉而南下是淮上帶汝

江都縣志 卷八 山川志 九

泗壽春之水跨高良洞武家墩過山陽高寶蓋注
於邵伯湖而湖口由高廟經揚入江者纔闊二十
丈以二十丈之口欲泄全湖之水百不一耳以故
桃花水泛業已岌岌涉伏及秋澆漾于頃波濤浸
天西風噴激勢若怒海一線之堤何以為禦即具
椿草人夫值風雨之夜雖身如精衛亦不能撼今
之守堤者有歲修有决工有伏秋防守則歲無遺
時矣有椿笆工有椿板工有磚石工有子埂工計
無遺策矣然竟不能抵西風一浪也昔年論漕河
之險者先高寶次邵伯而今之水大者莫如邵伯
最難守者亦莫如邵伯蓋高寶昔固稱險障之則
有西堤而內河成則湖分於外天山夾河中行不
知有湖矣今邵伯一帶堤與水鄰絕無外障以故
水乘風勢其摧堤若蹴堦耳况估舟值迅風疾雨
多蕩貫淪身月且屢見是不可不急為處分乎今
之議有二一日障之便北自露筋南抵馬家老舊
堤以東另築一堤又自馬家渡而南至八營舊
堤以西另築一堤各接舊堤中作二閘成
並如高寶之制費不過六七萬金而湖堤可保無
事况今决工則費萬歲修亦不下二三千計十年

之費可抵也。一曰疏之便。今議疏漕者皆言自高廟由揚州至瓜渚皆開濶數十丈。此淮水入江之正路。然高廟瓦窰舖民舍多逼官河。其屋居卑。初即拆毀不足惜。第揚城東關折而南。閘閘聯屬。且轉運之鹽場在焉。一經遷易。不無廢業之嘆。不若一意開金灣。即三四十丈。不為濶也。蓋三十餘里入江。此勢之最捷。而泄水最易者也。舍此二議。而欲圖便易之說。止有每歲帶修石工一百丈。名為帶修。而漕河西岸有露草處。所擇有心計者委之多栽蘆葦。野樹則可以障風破浪。而泥沙漸次淤墊。東堤亦恃以無恐矣。國朝給事李宗孔修隄濟漕。疏曰。漕河自淮安山陽縣至江都邵伯。鎮二百六十餘里。河東有堤。與河俱長。即現在修工。修補之。漕堤是也。堤之東係高郵江都興化寶應泰州鹽城山陽各州縣民田。地形低窪。如在釜中。全恃此堤護。七邑之居民障二百餘里之湖水。水漲堤潰。則糧艘有阻。阻之虞。居民有淪沒之患。說者委之天災。無可如何。不知使有去路。以宣洩之。何致水聚為害。乎。謹按河水去路原有舊制。東可入海南。西可入江。查淮南涇河。開乃水入海之去路。若

江都縣志

卷八

山川志

將此兩岸增堤一。逢水漲。即行開放。則浩漕之勢。自難。乃開河以下。皆係曹田。河臣勢難專主。地方官雖開閘。以圖保護。迨水勢愈大。愈不敢啓。直至堤潰。而七邑淪沒。開下田地。同為陸沉矣。此河水不得入海之由也。又查瓜儀雖有各閘。惟芒稻河。開出水甚速。乃由泰州運鹽河入江。去路若將裏河。開深數尺。則水勢直注於江。雖西河諸水。泛濫。此閘如建瓴。直下。則堤自不致潰決矣。乃運鹽河。自明季至今。久未開濬。今淤淺至極。若一啓放。鹽艘即為阻。閘故堤東堤西。哀號望換之日。正諸商閉閘蓄水之時。鹽課所關。誰敢輕啓。此河水不得入江之由也。水不得入江海。如養癰而不使外潰。必致毒攻肢體矣。我朝定鼎。二十餘年。堤凡六潰。漕臣疏稱。重運五十餘隻。由湖冒險。回空五百餘隻。盡阻高郵。開河臣竊憂之。必將濬河。等開河。底深濬築。堤衛田。疏通海口。使水注海。將泰州運鹽河。刻期開濬。使水注江。若年復一年。不行開濬。徒事修堤。而望其不決。是猶閉城。賊中而欲以竹籬茅壁拒之也。若洪水一發。宗額淮揚傷民命。幾何。淪用。地。蠲錢。糧。幾何矣。

上下流說曰治歸仁高堰則淮揚之上流治交然
曰高堰視之則堰其上流也二十四湖下流也山
漕隄視之則湖其上流也隄東七邑下流也治隄
以西之下流所以分其來之勢治隄以東之下流
可不多其歸之道乎昔人慮之審矣下流洩水之
大支有二曰山陽之南經河所以達海也曰邵伯
之南芒稻河所以入江也又由板閘至小壩沿隄
設有減水諸閘四十餘而各場之海口如之苟啟
閉以時成規不易則至今可行所無事已昔之人
但遠水之害不困之為利今人不恤水之害惟見
水之利而圖利即於所害以涇河言前此之侵占
無論已今不儼然開乎然新日視舊狹尺許焉新
基視舊高數尺焉開猶不開也以芒稻河言之非
三十四里入江之口通鹽之道也今不又開乎然
必外河高內河下而後東流可放也頻年以來挑
淺不講焉開基增高焉水之不能舍下而趨上也
明矣甚或障之以通鹽此大惑者也故涇河之不
開非難也開而高卑廣狹不循其舊之難也芒稻
河之積弊難破也知障之而不知濬之過也夫高
其基所以障水而通鹽運也障則鹽利而漕病七

江都縣志

卷八 山川志

三

邑俱病何若濬之深自不待障之力而鹽與漕與
七邑均利之為得乎且濬淺之成規具在可按而
行之此二者用力至省奏功至易非如歸仁高堰
之動國帑勞民力須盈庭之議也惟不鑿智自私
踵昔人之法而力舉之不越三
年上下流之患永底乃績矣

龍舟堰在城南二十里十道志云魏文帝臨江試龍舟
於此因名

閘

減水閘舊志云凡十一處俱在城北

朝宗二閘在灣頭鎮

新開閘在宜陵鎮白塔河口

大同閘在城東

瓜洲鎮後改瓜口閘

通江閘在瓜洲鎮自唐以來引漕入汴開口二石甚鉅
閘廢一石猶存

楊子橋新閘在城南十五里舊為壩明萬曆二十五年
知縣張寧易以閘每伏秋啓閘洩官河之水南入大江

春冬閉之賴以濟運

附錄 大學士王永吉云按開口去江止得十里此
洩水最直捷者且二三月後糧艘過完若逢

運河漲滿則開放正其時矣况閘外雨邊
俱高田與民無損則閘之開放又何忌乎

邵伯上下閘在本鎮今地以上諸閘載
萬曆縣志

頭閘 四閘俱在瓜洲鎮

江都縣志 卷八 山川志

三

金灣閘在城北二十五里

考證王乾清紀曰金灣閘在邵伯鎮南五里西接

湖口東南十六里至芒稻河又十八里下江乃漕

河洩水第一捷徑萬曆二十二年撫按題請建閘

開河原擬建八閘十六門新河濶三十丈後止建

三閘六門河濶不足十丈又兩岸泥沙最易淤墊

故不能大洩湖水

芒稻河閘在金灣閘東南十六里

考證王乾清紀曰揚城東北十里曰灣頭入運鹽

河東十里南岸通江曰芒稻河西北接金家

邵伯湖口自湖口至江共三十四里萬曆二十二
年原擬建四閘十二門後止建二閘六門然閘底
深下應運鹽河底故水發啓閘則邵伯湖水驟消
漕堤賴以無潰後因商人蓄水行船於天啓六年
將閘底改造增高六尺康熙元年總河朱某於對
閘北岸開挑月河一道行鹽以免閘口溜吸令將
閘底改深如舊後止改下一尺五寸比舊底尚高
四尺五寸

二閘 三閘俱在邵伯鎮北三里

昭關閘在邵伯鎮北五里一名嵇家閘

江都縣志

卷八 山川志

三

礎

減水礎在瓜洲鎮久廢

壩

楊子橋古壩在城南十五里今改爲閘

黃金壩在城東北

邵伯小壩在本鎮之南河決壩廢

又邵伯壩在本鎮下閘西岸久廢

瓜洲十壩俱在本鎮

以上諸壩載
萬曆縣志

考證漕河高江水數尺各壩限水使不洩於江
漕運計也漕河至此分爲三支如瓜字形中一支

江隄隔江東一支通江名曰東港西一支通江
曰西港由中一支入東港有二支第一支築壩二
北曰八壩南曰九壩第二支築壩一曰十壩由中
一支入西港有四支第一支築壩三北曰七壩中
曰六壩南曰五壩第二支築壩二北曰四壩南曰
三壩第三支築壩二北曰二壩南曰一壩第四支
築壩一曰鹽壩東西二港以通江潮之往來各壩
以防漕河之漏泄明洪武三年設東港八壩西港
七壩永樂九年平治東港八壩爲楠木廠正統二
年修復八壩九壩十四年巡撫都御史周忱重修
儀徵

江都縣志

卷八

山川志

五

十壩成化六年工部主事吳英移置十壩於壩東
一里許其十壩外曰鹽壩者明初掣鹽於此後徙
金灣滾壩在金灣閘之南瀉湖水入芒稻河閘下江
滾水壩在邵伯鎮北

按舊志所載諸閘壩近多廢圯或僅存其基或並
無其跡今依舊志仍載其名與地俟留心河道者
稽考焉

淺

新廟淺

浪蕩淺 以上各置涵洞一座

頭潭淺

宋家淺

柳青湖淺

東西灣淺 以上各置涵洞二座

花家園淺

李家莊淺

姚家潭淺

吉祥莊淺

江家莊淺 南北共計十一淺每淺舊置廳廡二楹坊表

江都縣志

卷八 山川志

五

一井亭一旗鼓等物凡三十六件老人淺長各一名夫役四十名歲椿木四百株草四萬餘束淺夫不許各鄉村僉報凡有挑濬專責前項淺老等人役為之按

國朝賦役全書載城南淺老一名淺夫一十九名城北淺

老四名淺夫一百四十八名歲支工食銀不貲

右堰閘壩淺與河道關係最切故載其後

湖

邵伯湖在城北四十五里東接艾陵湖西接白茆湖南

通新城湖北接甌社湖

考證每春夏時湖水漲漫民田滄沒晉太傅謝安

出嶺廣陵修築湖埭隨時蓄洩田始獲歲民被其澤比之召伯甘棠因名湖與埭焉

附錄

明李東陽夜過邵伯湖詩蒼蒼霧連空冉冉月墮水飄飄雙鬢風恍忽無定止輕帆不用

懣驚浪常在耳江湖日浪蕩行役方未已羈懷正愁絕况乃中夜起趙鶴過邵伯湖詩湖口人家

住處幽桃花蹊下晚紫牛木耕誰信為農苦春望何妨作客遊落日波聲後忽竹平沙風色帶眠鷗

送行最愛長堤柳直到官河綠未休國朝彭孫遜過邵伯湖詩斜暉低驛路馬首悵何依晚渡潮

爭上寒塘人獨歸溪魚時自擲水鳥慣卑飛願逐垂綸者長歌大釣磯

黃子湖在城北六十里東通官河西至末口

赤岸湖在黃子湖西

艾陵湖在城東北四十五里邵伯鎮之東

江都縣志

卷八

山川志

三

考證寰宇記云合濱渠東有小渠濶六步五尺東

去七里入艾陵湖阮昇之記云齊高宗建武五年

過艾陵湖水立裘塘屯

大石湖在城東四十五里平寮鄉一名岱石湖一名棹

石湖水通張網溝

考證府志云漢廣陵太守張綱於揚之東陵村開

渠引大石湖水溉農田民利之呼為張公渠宋元

豐中羅適為江都令復濬大石湖廣袤數百步改

名元豐溉田千餘頃收皆倍

白茆湖在城東北四十五里

考證名勝志云邵伯湖西爲白茆湖舊有斗門
官河水涸則引湖水以濟漕運

葑塞湖在城東北五十里艾陵鄉北通涿洋湖南通艾
陵湖

朱家湖在城東北五十里東通官河西至末口
新城湖在城西北四十五里東通官河西抵民田四時
不竭民資灌溉之利

涿洋湖在城東北六十五里西南接艾陵湖東北屬高
郵州界按水經注涿洋作陸陽

甕子湖在涿洋湖之西

江都縣志

卷八

山川志

七

考證萬曆縣志云右邵伯黃子赤岸新城白茆朱
家六湖皆在官河上岸水相連接艾陵大石葑塞
涿洋甕子五湖皆在官河下岸受水者也

塘

雷塘在城西北十五里一名雷陂寰宇記有大雷小雷
之宮卽此地也上塘長廣共六里餘下塘長廣七里今
皆佃爲田

考證前漢書云江都王建遊雷陂使郎二人乘小
舟入波中船覆兩郎溺攀船乍見乍沒建臨

笑西征記云雷陂有臺高二丈卽吳王濞之館

也王象之云雷塘耕者往往得釵釧蓋煬帝平昔常遊之處塚記云雷塘煬帝葬地也

附錄

唐羅隱詩入郭登橋出郭船紅樓日日柳年年君王忍把千陳業只換雷塘數頃田

劉弇雷塘詩警嬉按長淮開自隋天子運丁大業未役跨遠來始海溝河赤血流千里江都天

東南歲閱翠華指錦帆抹非剛登鼓蓬蓬起紫微朱絲絡百萬羅衛士璇房貯彩女灼灼艷芳李真

公正逢惡何欄柝沒齒一從水調奏使識還聲已浪傳遭箇春不悟羊無尾雷塘一掬土僅足掩冠

履行人為傷心清淚墮如水池荒九曲春向愁迷樓倚落日注蕪城牛羊下坡紫元蘇大年詩雷

塘春雨綠波濃古塚寒門蔓草空斜日欲沉山色近行人無處問隋宮吳公臺下雷塘時錦瑟牙

櫓行樂處當年玉樹後庭花夢裏相逢處錦瑟牙君不見東家北舍人未歸落花滿地蝶蝶飛

小新塘在上雷塘之東北水注上雷塘轉注下塘由淮

江都縣志

卷八 山川志

天

于河東入漕長廣其二里餘今佃為田

考證方輿勝覽云新塘在城外紹定間以張燈之

夕敗逆賊李全於此露布有云奮幟麾軍開關延

客實精兵於保塞蹙酋魯於新塘

句城塘在城西三十五里水由烏塔溝東流入漕長廣

其十八里今佃為田

考證寰宇記云貞觀十八年李襲譽為揚州長史

引雷塘水又築句城塘以溉田八百餘頃百姓賴

之徵拜大府卿按上雷下雷小新句城四塘俱隸

江都惟陳公塘隸儀徵縣五塘閱千餘年修築

濬相時制宜歷代皆有成效逮明嘉靖三十年

豪仇鸞占據諸塘而五塘之制遂廢

附錄明盛儀五塘定議曰江都縣有上下雷塘小

也自漢時吳王濞有雷陂釣臺陂即塘也後江都

王建遊雷陂蓋古有陂而二王以為釣遊之地至

獻帝建安四年下邳陳登為廣陵太守治山陽築

塘民享其利號曰陳公塘按史登有威名性兼文

武其所築豈止真州凡淮揚之塘堰皆其經理也

考其地勢西高而東下壽在西淮揚在東水瀉何

利之有登之塘自壽而來不止一重水有蓄洩高

卑皆利其在揚也五塘在上流漕隄在其中捍海

堰則其下也晉隋唐宋均為漕農之重故盡心焉

明漕艘隨筭軍屯民田咸資其利故以其事屬之

平江伯而平江集古人之大成要之自登始也唐

貞觀十八年揚州大都督長史李襲譽引雷陂水

又築句城塘以溉田八百頃有愛敬陂水門開元

初毒苗使杜佑為淮南節度使決雷陂以廣灌溉

斥海濱棄地為良田積至十餘萬頃貞元四年節

度使杜亞自蜀岡之右引陂水趨城隅以通漕運

既夾陂田長慶二年鹽鐵使王播自閭門外古七

江都縣志

卷八

山川志

五

內陳公塘有灌溉之利靖康時朝廷方督運緡運渠壅塞詔淮南運使陳邁引句城陳公塘達於河渠漕路南通而朱劭花石綱塞道官舟不行逮捕繫其人而上章自劾上為難劭而進邁徽猷閣待制此宋人之用塘見於宋史者如此也元人海運疎於漕河而至元十八年猶造開於上雷塘者蓋漕河非塘水則南北不通故也明洪武八年開平王北征軍需器械船至灣頭河淺不能前進奏開四塘下水三尺五寸官河增二尺六寸一時得濟十四年旱乾解京御鹽船至灣頭淺不行開塘放水其船始達是時兩淮運司專理塘也永樂二年平江伯陳瑄總漕全資塘水以濟運舟十五年欽取皇木值河淺阻滯時亦開塘下水以濟之是時塘立塘長二名塘夫七十名常用看守塘內積木常八九尺非遇至旱運河淺澁不敢擅放宣德八年大旱四塘乾枯運舟滯澁無水接濟蓋由塘長怠玩不時修葺塘岸致水走泄而然隨加罪治修復如初十年知府李貞奏改五塘屬府專修濟運成化四年侍郎王恕奏發帑銀三千於上下雷塘各築石閘一座水碓二座於句城塘陳公塘各增

江都縣志

卷八

山川志

三

築隄岸石閘一座水碓二座皆以瀦水旱則由烏塔溝放水南流入運河接濟運舟甚以為便時郎中郭昇董其役也正德十六年大旱四塘地廢水利不修運舟淺閣漕撫都御史臧鳳請修五塘嘉靖十三年知府侯秩建議重修句城塘巡漕都御史馬卿下其議與運司會勘府司覆請以句城塘週圍六十里一十六丈內有大小二基東西浮橋二座實係古蹟蓄洩水利有裨運道百六十年不可不復臧公瞿然曰是予責也亟發帑金六百購石磚灰樁礎悉具僉在城七十二舖夫塘下一十石磚甲淺夫莊頭脚夫塘夫開壩市鎮船隻駝載四總甲塘增修大閘一座減水閘二座添設塘長一名塘夫七十名用水有節運舟攸濟民田亦漑利焉十八年運河水涸管河郎中畢鸞查復五塘以濟之白於漕撫都御史周金河道都御史郭持平皆曰此漕規也復之便巡鹽御史焦連曰此余之所攝蓋憲典也可不復乎於是知府劉宗仁肩其事以屬之江都知縣張纓儀徵知縣楊仲孫各理其邑役督工者通判張默分督則知事趙洲也所修上下雷塘小新塘陳公塘東塘柳塘橫塘鳴

塘凡江儀之塘一十有三今之所修蓋九費金五百修塘開外為昭佑祠官亭三間舖舍五貴令塘長率夫晝夜防守不時加葺二十二年修塘委官查解占塘妨運三千七人久停不報二十四年巡鹽御史齊宗道查覈占塘妨運三十七人罪狀明白咸置之法而塘復治府志耆舊之言如此余聞是後有倚勢占塘者將塘開石毀拆移為他用於是時水暴至不能節制徑入高寶山陽諸湖溢決運堤東方之州縣盡沒而灣頭以南河道淺涸運舟阻滯殆亦不通矣然運河蓄水全賴運堤塘不修則堤壞議者急於堤而不急於塘亦猶准人之惡水患而不究堰大抵不復古之過也國初雷塘為僧占田一千三百餘畝後民訟之官以八百畝佃民輪租備賑餘仍為寺田塘利之興不復講矣明少師李春芳固堤復塘議畧曰高堰築矣十四塘不復猶之無堰蓋西來諸水由天長六合而南下有諸塘以蓄之旱則瀉入漕渠以濟運潦則南注之江一經噴壞西水徑迫三湖漲湖潰隄為運道憂烏可不復是堰塘皆相成以為運河之利者也舊法具在行之在人而已國朝工科給

江都縣志

卷八

山川志

三

事許承宣請修塘溉田疏畧曰河臣以治河為急而不及州縣陂塘之利州縣亦以治水護之河臣所有陂塘廢為荒墟無所經畫固宜遇旱則木泉盡塞遇水則疏導難施考昔開濬五塘功不殫述厥後湮廢塘利遂絕然其開石橋梁猶存一二若能急為修復濬則有儲蓄之處而不至泛堤旱則有灌溉之資而兼可濟運此江以北之水利也

五塘建置規畫前賢之論具備顧歲久斯形格泥古則矣今所貴變而通之以盡利也我

皇上諸詔廷僚復

命大臣相度時宜凡附塘溝渠畷澮悉加挑濬通湖河

之水以資灌溉利民而不擾民誠愛民之至意也

東塘輯要引胡氏曰東塘即今灣頭或云以在揚州之

東而名非專指灣頭也惟揚志疑卽下雷塘亦無的據
考證按通鑑唐淮南節度使高駢檄四方兵討黃
巢出屯東塘諸將數請行期駢托風濤爲阻不發
後秦彥在廣陵與楊行密戰不利嘗自開化門出
奔東塘

鴛鴦塘在城北四十里萬曆縣志云塘與小新二雷積
水當句城之灌後爲豪民侵占莫知其處

附錄國朝宗元鼎詩鴛鴦塘上木秋雨
浴鴛鴦博得采菱女朝朝弄畫舫

橫塘在宜陵鎮

柳塘在舊隋宮

江都縣志 卷八 山川志

鳴塘在府治西

港

第二港在城東南二十里永正沙

第四港在城東南三十里

第八港在城南三十五里

深港在城南一十五里河東鄉明洪武十七年兵部尙

書單安仁濟

華家洋港在城東南一十五里

倒流港在城東南四十五里

雙港在城西南一十五里

覬子港在城東四十五里

馬泊港在城南三十里南接深港北接三里溝明洪武二十六年工部遣官劉子玉濬

七里港在城東北十里一名十里港

考證舊唐書云敬宗時王播鎮揚州時城內官河水淺遇旱卽滯漕船播乃奏自城南閘門西七里港開河向東屈曲取禪智寺橋通舊官河開鑿稍深舟航易濟所開長一十九里其工役料度不破省錢當使方圓自備而漕運不阻

進水深港在城東北四十七里與上十港俱通楊子江

江都縣志

卷八 山川志

三

採菱港在淶洋湖

十壩港在瓜洲鎮運河東西壩凡十壩下各有港以通江

龍兒港在城東六十里

考證輿地紀勝云江都縣東六十里有龍兒港圖經云常有怪物自海陵穿入此港過古鹽河南岸變爲白獺又名白獺河

溝

古邗溝在城東南卽今運河

考證左傳哀公九年吳城邗溝通江淮杜預注云

於邗江築城穿溝東北通射陽湖西北至...
淮通糧道也...
城下掘深溝謂之韓江亦曰邗溟溝按元和郡縣
志云合瀆渠在江都縣東二里昔吳王夫差將伐
齊北霸中國自廣陵城東南築邗城下掘深溝謂
之邗江亦曰邗溝自江北通射陽湖今謂之官河
亦謂之山陽濁又云漕河貫城中卽邗溝也

附錄 明張羽詩袁楊夾高防北風暮...
老問答言是邗溝相傳開鑿初民勞天為愁
至今濁河底時見白黿...
丹柔成萬世利慮始難為謀至今南北交此土為
名州飛閣跨通波張帷如雲浮憶昨少年日寶馬
珊瑚鈞經過劇辛輩結託全張為醉酒瓊花觀微

江都縣志 卷八 山川志 附

歌明月樓羅綺朝還暮笙竽春復秋繁華逐逝水
存不可留向來歌舞地茫然狐兔邱家老無兒
孫杖屨驅羊牛少小心向爾不知今白頭欲從亂
離說恐子增離憂長揖分袂去零淚如絲流 錢
應金詩烟荒月澹古邗溝淮水遙連江木
流六代繁華餘腐草至今螢火照揚州

官溝在城南三十里河東鄉南通揚子江北抵馬牆

山陽溝在城東北三十里平寮鄉一名山陽濁又名山

陽瀆南接官河北入射陽湖

考證隋書文帝紀開皇七年四月於揚州開山陽
瀆以通運漕

張網溝在城東三十里平寮鄉俗呼張網溝

考證寰宇記云按漢書張綱為廣陵太守濟惠於

百姓勸課農桑於東陵村東開此溝引岱石湖水灌田以此立名

薔薇溝在城東六十里一作薔薇港

考證方輿勝覽云薔薇溝接高郵永貞港即昔之薔薇村也

張家溝在城東北四十五里艾陵鄉西通官河北接艾陵湖

七里溝在城南三里河東鄉通官河

楊帝溝在城西北十五里舊志云水逕隋故宮接雷塘近楊帝墓故名

江都縣志

卷八 山川志

三

仙人溝失其處

渠

合濟渠在城東二里即古邗溝今運河也

汴渠即汴河隋大業元年開濬

考證通鑑綱目隋大業元年三月詔命尚書右丞

皇甫謐發丁百萬開通濟渠自西苑引穀洛水達

於河復自板渚引河入汴引汴入泗以達於淮開

河記云隋令將軍麻祜開汴河通江都

附錄

唐汪遵詩隋皇意欲汎龍舟千里崑崙崑崙別流還待東風錦帆煖柳陰相送到揚州

堤

隋大業元年築

考證通鑑綱目隋大業元年詔發民十萬開邗溝入江溝廣四十步傍築御道樹以柳自長安至江都置離宮四十餘所遣黃門侍郎王弘等往江南造龍舟及雜船數萬艘八月帝如江都龍舟四重高四十五尺長二百尺上重有正殿內殿朝堂中二重有百二十房皆飾以金玉下重內侍處之皇后乘翔螭一作龍舟制度差小別有浮景九艘三重皆水殿也餘數千艘後宮諸王公主百官僧尼道士蕃客乘之共用挽士八萬餘人皆以錦綵為袍

江都縣志

卷八

山川志

三

衛兵所乘又數千艘舳舻相接二百餘里騎兵兩岸而行所過州縣五百里內皆令獻食多者一州至百舉極水陸珍奇後宮厭飫將發之際多棄埋之南部烟花錄云煬帝築隄詔民間植柳一株賞一縑錦帆過處香聞百里

附錄

唐白居易易隋隄柳詩隋隄柳歲久年深盡衰朽風颯颯兮雨蕭蕭三株兩株汴河口老枝

病葉愁殺人曾經大業年中春大業年中煬天子種柳成行傍流水西自黃河東接淮綠影一千三百里大業末年春暮月柳色如烟絮如雪南幸江都恣佚遊應將此樹陰籠舟紫鬢郎將護錦纜青娥御女直梳樓海內財力此時竭舟中歌笑何日休上荒下困勢不久宗社之危如綴旒煬天子自言歡樂殊無極豈知明年正朔歸武德煬天子自言福祚垂無窮豈知明年望子封鄒公龍舟未人

彭城閣義旗已入長安宮蕭牆禍生事大變法
不得歸秦中土墳數尺何處築與公臺下多悲
二百年來汴河路露草木烟朝復暮後王何以
前王請看隋家堤上樹杜牧詩夾岸垂楊三百
里祇應圖畫故相宜自嫌流落西歸疾不見東風
二月時羅隱詩夾道依依十里逢路人回首認
前朝春風木惜繁華意猶費工夫長柳條明水
日藩詩興道里前楊柳新蕭娘攀望獨傷神憐
正好留儂任若個滯他遺箇春紅頰忍拋枚罷
翠蛾常帶睡餘顰能舟風起花如雪三月揚州夢
身裏

寶公隄在邵伯鎮南寶公寺右康熙三十八年邵伯更
樓水决陸地成淵水深十數丈淵近一里行人僦舟以
渡時有覆溺之患寺僧了愚募造小舟數十隻載泥填
積水底夾以木椿實以草埽隄將出水而了愚寂化徒
江都縣志 卷八 山川志 三

伊江在伊婁河

岳家灘在揚子橋西南

洲

瓜洲在縣南四十五里即今瓜洲鎮江中積沙為洲形
如瓜故名又云漕河至此分為三支形如瓜字

考證名勝志云瓜洲渡昔為瓜洲村揚子江之沙
積也沙漸長接連揚子江口民居其上唐為鎮今

附錄

唐張祐瓜洲聞曉角詩寒耿稀星照碧霄月
樓吹角夜江遙五更人起烟霜靜一曲殘聲
遍落潮 宋王安石泊船瓜洲詩京口瓜洲一水
間鐘山祇隔數重山春風自綠江南岸明月何時
照我還 方岳瓜洲晚渡詩天地中間一葉舟與
鷗等是此生浮江淮千里水天碧南北六朝樹
愁浪換禹功吞巨海寺騎嫻石礫中流漁策不涉
興亡事自醉自醒今白頭 明王冕泊瓜洲詩落
日大江秋淒涼覺底愁逆潮攻敗壘荒樹入沙洲
險固空餘跡清平且壯遊不須腰十萬明日上揚
州 袁凱夜至瓜洲詩瓜洲人家燈火微瓜洲波
上行入稀敲門買得雙清酒船在西陵逆浪歸
王珣瓜洲道中詩江香香木連空江北江南綠
映紅三月異鄉逢改八經春遊子怨飄蓬滿汀蘆
葉孤舟雨一樹梨花小旆風蓬蓬
故鄉何處是依稀烟樹五湖東

滙

江都縣志

卷八

山川志

南漈水楊子江心水也

考證唐温庭筠採茶錄云代宗朝李季卿刺湖州
至維揚逢陸鴻漸抵楊子驛將食季曰陸君別茶
聞楊子南漈水又殊絕今者二妙千載一遇命軍
士謹慎者深入南漈陸利器以俟俄而水至陸以
杓揚水曰江則江矣非南漈似臨岸者使者曰某
掉舟深入見者累百敢有給乎陸不言既而傾諸
盆至半陸遽止之又以杓揚之曰自此南漈者矣
使者蹶然馳白某自南漈齎至岸舟蕩覆過半懼
其勢挹岸水增之處上之靈神鑒也某其敢隱焉

埭

召伯埭在城東北四十五里一名召伯堰今邵伯鎮

考證寰宇記云按晉書太元十一年太傅謝安鎮

廣陵於城東北二十里築壘名曰新城城北二十

里築堰名召伯埭蓋後人追思安德比於召伯因

以立名

附錄宋徐鉉邵伯埭下寄高郵陳郎中詩故人相

梅減君扶病為開筵河灣水淺翹秋鷺柳岸風微

曉暮蟬欲識酒醒魂斷處謝公祠畔客亭前梅

堯臣宿邵埭聞雨因買藕笑人回呈示叔詩秋雨

雁來急夜舟人未眠亂風燈不定暝色樹相連寒

屋猛添響濕窗愁打穿明朝持藕使書此寄公前

蘇轍召伯埭別少游詩濛濛春雨濕邗溝蓬底

江都縣志

卷八山川志

安眠畫擁棗知有故人家在此速將詩卷洗閑愁

流無賴寒侵紫綺裘召伯埭南春欲盡為公重賦

伴牢愁國朝王士徵邵伯舟中詩一望遙天濶

茫茫泛夕槎樹分甓湖水月上楚人家野戍寒

蟲亂迴堤古廟斜蕪城前路近官柳欲棲鴉

伊婁埭在瓜洲鎮唐淮南節度使李承式所築

度亭埭見河東記併太平廣記今失其處

與浦江都昔為輿縣故以名浦

考證宋書符瑞志元嘉二十五年廣陵太守范迪

上言所領輿縣前有大浦常淤濁比來源流清潔

織鱗呈形古老相傳以為休瑞

公路浦在城西

考證北征記云廣陵西一里水名公路浦袁術自九江來奔袁譚於下邳經此因名

前浦未詳所在

考證宋王弘表略云聞廣陵前浦榛蕪已久近復開除清源弘遂舍明內鑑象以數至瑞以類應

南浦在南門外

澗

西澗在城西北三十里今名九女澗昔傳秦九女墳在澗側因名

江都縣志

卷八 山川志

旱

花山澗在西門外今淤塞

陂

愛敬陂在縣西五十里明南畿志云太守陳登濬塘築陂百姓愛之因名

三十六陂按方輿勝覽在江都縣宋王安石題西太一宮壁詩云三十六陂春水白頭相見江南

灣

茱萸灣一曰灣口今名灣頭寰宇記作茱萸溝漢吳王濞開此通海陵倉隋仁壽四年復開以通漕今為運鹽

河

考證寰宇記云茱萸溝在縣東北十里從合

東過茱萸埭七十里至岱石湖又西四里對張綱

溝入海陵界阮昇之記云北有茱萸村以村立名

附錄宋賀鑄茱萸灣晚泊詩冷雲拋雪未成花過

只啼鴉舊聞南國饒春事行見東風換物華老病

灣頭紅蓼花秋風高日蒸殘霞夜行打鼓負鹽去

平湖軋軋鳴歸艇竹西歌吹杳何許垂楊兩岸照

水灣不語一聲江笛叫江樓嘯斷寒雲不知處西灣舊志未詳所在今另有東西灣在城北三

十五里

策籬灣見錢謙益十月朔日抵廣陵詩

江都縣志

卷八 山川志

聖

池

九曲池在城北七里蜀岡麓隋煬帝嘗建木蘭亭於池

上作水調九曲每遊幸時按之故名

考證鮮于侁詩序云煬帝嘗奏樂於此池初帝欲

幸江都命樂府撰水調九曲工人王令言謂其子

曰此曲無回聲汝行必不返矣

附錄唐白居易詩五言一遍最辛勤調少情多似

宋王琪詩越調誰家曲當年亦九成哀音已亡國

廢沼尚留名儀鳳終沉影鳴蛙祇沸聲淒涼不可

問落月背蕪城蘇轍詩嵇老清彈怨廣陵隋家

水調寄哀音可憐九曲遺聲盡惟有一池春水深

鳳闕蕭條荒草外龍舟想像綠楊陰都人似有興

亡恨每到殘春一度尋國朝王節詩隋家弦管

動人愁蓮子花香簇小舟畫樂
一枝波一幅紅兒綠女繡揚州

鬪鴨池未詳所在

考證舊志云漢江都易王故姬李陽華其始為馮
大力妻陽華老後歸馮氏嘗畜鬪鴨池水上苦獺
嗜鴨時下朱里芮姥求捕獺狸以獻芮告陽華狸
不他食但飯以鴨陽華怒絞殺其狸

附錄 國朝宗觀詩十三王是易王奢賓從如雲漫
自誇宮裏日長閒鬪鴨簾前一笑李陽華

磨劍池在南門外

考證寶祐志云隋鑄錢監在磨劍池之西

蓮花池在南門外

江都縣志

卷八 山川志

聖

津

文津在府治東狀元坊

東津在大東門外

楊子津在城南一十五里即楊子橋一名楊子渡古楊

子縣治也

附錄

唐祖詠泊楊子津詩纔入維揚郡鄉關北路

遙林藏初過雨風退欲歸潮江火明沙岸雲

帆礙浦橋客衣今日薄寒氣近來饒孟浩然楊

子津望京口詩北固臨京口夸山近海濱江風白

浪起愁殺渡頭人又宿楊子津寄劉處士詩

思在夢寐欲往大江深日夕望京口烟波愁我心

心馳茅山洞目極楓樹林不見少微隱星霜幾
吟 劉禹錫罷郡姑蘇北歸渡楊子津詩幾
南國今朝賦北征歸心渡江勇病體得秋輕
石門小城高粉堞明金山舊遊寺過岸聽鐘

元薩都刺同友人楊子津送客詩將軍之
雄葛仙騎之如遊龍金陵之酒香且列葛仙飲
豪興發馬上送客楊子津下馬飲客金陵
春主人上馬客已渡回首江南江北人

渡

廣陵驛渡在南門外驛街東

白馬廟渡在蔣王廟側

觀音堂渡在小東門外官河北岸久廢

井巷口渡在觀音堂渡之北

田家巷渡在東水關之南

通泰渡在大東門外東水關下舊有浮梁築新城後廢

明萬曆間知縣張寧復

江都縣志

卷八 山川志

壘

趙公渡在鈔關門外浮橋東

瓜洲渡在城南四十五里瓜洲鎮與江南鎮江府對直

二十里江面

井

董井在大東門外兩淮運司廳後

考證輿地紀勝云董仲舒宅古江都縣基也仲舒

為江都王相居此宅內有井號董井

附錄

明張萱詩大道久淪替蔓草紛蒙茸董主紹
與刑白日行太空鳳德無乃衰而生元

薄宦羈王官豈不思冥鴻挾擊抗天人何以
公微言振千古荒井空孤桐燕之有餘思落月啼

秋蛩願言載麟
筆慷慨齊高蹤

蜀井在城東北蜀岡上禪智寺側其泉脉通蜀故名云水味甘冽如蜀江

考證李日華紫桃軒又綴云揚州蜀岡上有井與蜀江通有老僧洗鉢江中失之從井浮出為禪智僧所得置佛前後數年老僧過而見之驚曰何緣到此脫衲衣贖去

附錄

宋蘇轍詩信脚東遊十一年甘泉香稻憶歸田行逢蜀井况如夢試煮山茶意自便短綆

不收容盥濯紅泥仍許置清鮮蚤知鄉國勝為客游宦何須更著鞭秦觀詩蜀岡精氣滄多年故有清泉發石田乍飲肺肝俱澡雪反窺杖履亦輕便炊成香稻流珠滑煮出新茶潑乳鮮坐使一公鄉思動放杯西望欲揮鞭

江都縣志

卷八 山川志

罌

玉勾井在蕃釐觀後

考證名勝志云昔有黃冠持畫軸見守帥畫中字皆雲章鳥篆不可識既去使人尾其後至后土井而沒乃使獄囚縋下視之見一洞署曰玉勾洞天復使入則水漫不可尋矣

附錄

國朝汪懋麟玉勾洞天記曰幽渺怪異不經之事君子之所不道以其不可知即不可信

卒亦不得而傳也若傳矣即可信可知雖欲不信使其終無傳也亦不可得也揚州有玉勾洞天載於郡誌在蕃釐觀後相傳唐時有道士持畫謁帥守字皆雲章鳥篆不可識守異之使人跡其後則入后土祠井中因以囚入視見屋宇森然玉勾洞天復入水漫不可見矣今瓊花觀聲觀所以祠后土者井故在雖其事有無而相傳既久井上有亭順治初遭悍弁鎗揚牧馬

於此亭遂覆井亦隨寒余過此每徘徊歎息思修復未能也會壽州御史夏公人佳來修醮於觀招轉運王公維新郡守金公鎮及予周覽殿廡相與尋王勾遺址得其故處突然窪然唯土一邱東汚濼西民廬北侵為道路荒榛敗瓦充塞滿目因其謀濬井築亭御史公曰城社疆土郡守責也復厥舊基惟全公鳩工庀材轉運事也用厥材力唯王公執筆而記之使傳於久永舍人其何辭予曰諾從來言神仙者多不可信而道書所紀大小洞天以百數十計其中可喜可怪之事任任而有天抵皆高人達士善人君子始可與於神仙之徒而市俗無行之人不可語諸此也後之來遊於斯者尙其自省而勿泥其見於井中乎宗觀詩瓊島三山遠碧岑黃冠隱現亦何心仙家合在人間住但問蓬瀛深不深

博施井在縣東北開明橋南大街中

懸脂井在縣東南張指揮宅內上有四圍泓深不可測

江都縣志

卷八 山川志

三

附錄 國朝桑豸詩粧罷隋宮正曉時春風一掃盡殘脂銀床玉檻今消盡猶有鏡奩遺

雙井在西門內

惠民井在邵伯鎮舊志云謝安築邵伯埭時所穿

泉

甘泉在甘泉山上

青龍泉舊屬天寧寺新城既築在天寧門內泉上有亭

久廢

附錄 明高宗本天寧寺青龍泉記畧曰天寧之為寺肇於晉歷千有餘年屢厄兵燹陵谷變遷不無興廢故正殿之前甬道則崩頽坵裂沒入荒

草山門外路直長不下二百步中則積土高壅欺寺門矣成化十四年戊戌太守二山翁公成正視篆之初祝禧此寺慨然與歎以為甬道廢圯山門

外積土壅塞更張除蕪非主僧之責歟時主僧志寧乃與道人俞普瓏身親畚鍤增高甬道與露臺平山門外路剷除積土更以磚石甃之太守給俸餘以資其食又撥人夫以助其工垂成之際寺門右偏深土中掘出古井井中得一古龍背鏡人猶未以為異也越十有七年辛丑夏大旱太守率僚屬祈雨至寺所忽有青蛇從井出太守遣人貯以大甕昇寘壇上是日大雨四境霑足蛇竟不知所之人大以為異太守詢之故老曰此寺伽藍神青龍將軍也今禱雨而青蛇出古井豈青龍神之應歟不然何以得甘雨之速也太守乃合眾議名其井曰青龍泉

第五泉在城西北大明寺前唐張又新煎茶水記品揚州大明寺井第五明嘉靖間御史徐九臯立石書第五

泉

附錄宋歐陽修人明寺水記曰世傳陸羽茶經其論水云山水上江水下井水次又云山水乳

江都縣志

卷八

山川志

異

泉石池漫流者上瀑湧湍激勿食食久令人有頸疾江水取去人遠者井汲多者其說止於此而未嘗品第天下之水味也至張又新為煎茶水記始云劉伯芻謂水之宜茶者有七等又載羽為李季卿論水次第有二十種今考二說與羽茶經皆不合謂山水上乳泉石池又上江水次而井水下伯芻以楊子江為第一惠山石泉為第二虎邱石井第三丹陽寺井第四揚州大明寺井第五而松江第六淮水第七與羽說皆相反季卿所說二十水廬山康王谷水第一無錫惠山石泉第二蘄州蘭谿石下水第三扇子峽蝦蟆口水第四虎邱寺井水第五廬山招賢寺下方橋潭水第六楊子江南水第七洪州西山瀑布第八桐栢淮源第九廬山龍池山頂水第十丹陽寺井第十一揚州大明寺井第十二漢江中濇水第十三玉虛洞香谿水第十四武關西水第十五松江水第十六天台千丈瀑布水第十七郴州圓泉第十八嚴陵灘水第十九雪水第二十如蝦蟆口水西山瀑布天台千丈瀑布皆戒人勿食食之生疾其餘江水居山水上井水居江水上皆與羽經相反疑羽不當二說

以自異使誠羽說何足信也得非又新妄附益
邪其述羽辨南溇岸下水怪誕尤甚夫水味有美
惡而已欲求天下之水一一而次第之者妄說也
故其所說前後不同如此然此井為水之美者也
羽之論水惡滯浸而喜泉源故井取汲者江雖長
然眾水雜聚故次山水惟此說近物理云 國朝
杜溶尋第五泉詩人代百務繁山中一泉躍素友
宛具舟遊子欣出郭騰騰陰霞霽泝泝早潮落蒙
翳經法雲聊自意所畧寺名自劉宋水味異漿酪
躬汲窺沉深獨醒知淡泊寧居第五名不受驟騎
爵飲罷祛塵機意遠陟苔閣望眼竟有涯寸心忽
無託悠然來去情誰知哀與樂 宗元鼎詩石磬
荒苔合遺踪古寺前轆轤懸暮景碑碣倚秋天位
置何嘗定流傳亦偶然繁華今不見無恙獨清泉

橋梁

洛橋水經注云廣陵城東水上有梁謂之洛橋

二十四橋隋置在舊城內

江都縣志

卷八 山川志

七

考證方輿勝覽云二十四橋併以城門坊市為名

自韓令坤省築州城分布阡陌別立橋梁所謂二

十四橋者或存或廢不可得而考沈括補筆談云

揚州在唐時最為富盛舊城南北十五里一百一

十步東西七里三十步可紀者有二十四橋最西

濁河茶園橋次東大明橋今大明寺前入西水門有九

曲橋今建隆寺前次東正當帥牙南門有下馬橋又東

作坊橋橋東河轉向南有洗馬橋次南橋見在今州城北

門外又南阿師橋周家橋今此處為城北門小市橋今廣濟

橋今新橋開明橋存顧家橋通明橋今太平橋利

西橋出南水門有萬歲橋今存青園橋自驛橋北河

流東出有參佐橋今開元寺前次東水門今有新橋非古蹟也東

出有山光橋見在今山光寺前又自衙門下馬橋直南有

北三橋中三橋南三橋號九橋不通船不在二十

四橋之數皆在今州城西門之外按方輿勝覽云

二十四橋或存或廢不可得而考補筆談所載何

歷歷可數也不敢臆斷因並存之以俟考古者

附錄唐杜牧詩雲山隱隱水迢迢秋盡江南草木凋二十四橋明月夜玉人何處教吹簫宋

歐陽修詩綠菱紅蓮畫舸浮使君那復憶揚州都將二十四橋月換作江南十頃秋

萬歲橋按名勝志橋在萬歲樓之下今圯

江都縣志 卷八 山川志 吳

附錄唐李益揚州送客詩南行直入鷓鴣羣萬歲橋邊一送君聞道望鄉聽不得梅花暗落嶺

雲頭

開明橋在縣東北大街東西跨市河俗呼開門橋橋上

有樓四面總櫺樓今圯

考證舊志云按淮南子八紘之外有八極東方曰

東極之山開明之門橋有東門因以為名芍藥譜

云開明橋左右春月花市盛於一州

通泗橋在縣東大街東西跨市河其水通淮泗故名

太平橋在縣東南大街東西跨市河

新橋在縣東南大街東西跨市河明洪武七年揚州為

指揮馬於開建

義濟橋在南門內明張棧造府志云橋頂有右雨餘現

太極圖形及蝦影里人與之橋西碑亭侍郎葉相記

文津橋在府學東跨市河明弘治九年同知葉元造儲

懽有記萬曆十三年巡鹽御史蔡某建文昌樓於上

附錄

明儲懽揚州府學文津橋記曰揚之學肇於

飾既興惟是東西行者出入委巷狹隘無以稱弘

治已未春教授李師文諸生葉如樂百餘人自其

事於御史劉君堯遂委諸同知葉君堯委葉如樂

當遠大圖迺伐石為梁為翼而碑覆之東西峙以

而准特藻繪其表且屬懽志歲月於石無何至公

江都縣志

卷八

山川志

巽

有四極迄今百有餘年右文興學古莫與侔雖荒

取遺壤學宮備具揚為津淮一都會冠蓋之盛舟

車之衝謁廟肆學之使與相望也而道隘弗治顧

漫焉莫加之意雖非吾道隆污所繫然郡望之重

民志之固在物理有不常然者迺今始協羣議更

舊而難仰乎新蓋如此懽於是而有警焉今夫築室

聚士而詔之者凡以學焉耳學之成在明體踐適

用是豈易哉姑喻之廟也學也其體也途也橋也

其用也昔途與橋之未備也亦何病於學然人視

之有歎然不自克者必既備焉乃已士學於茲苟

體有不具用有不周吾豈無遺恨而無缺望於人

巽

湛輿家之說夫崇聖學隆教基進諸生於道乃良
牧守各御史之意也奚取於是哉蠶故畧之劉所
宜言者
為之記

惠民橋在南門月城內東西跨市河

澳河橋在稅課司南

登瀛橋在岳廟前

鈔關浮橋在新城挹江門外

附錄

明儲懌揚州府鈔關重修浮橋記畧曰揚州

事始創之公私以為便議者又謂關利博而事賤
非京官鮮克勝任於是南京戶部移主事一人往
蒞之主事者非久任視關梁如傳舍或頽敗輒苟
完之歲滿得代去則已因仍積漸橋之不洽蓋久
矣正德辛未春陳主事德階來視橋益壞喟然曰
關與梁相頽於此不亟治廢將愈甚詢諸父老咸

江都縣志

卷八

山川志

五

曰然迺鳩工庀材杙水抵隄為梁者四梁四舟於
其間凡長若干尺廣半之作坊於右榜曰通濟樹
碑於左築一亭焉經始是年三月丁巳訖工五月
戊寅南三閱月而告成腐者新撓者直車徒以通
開闢以因欄承楯筵翬舒揚人曰壯哉廣陵
圖志復增此橋矣是宜有記使來秦徵於予雖聞
之杠梁陂澤皆先王政之所不遺時儆諸民故其
教曰雨畢而除道水涸而成梁單襄公過陳大觀
矣而川無舟梁撲其教廢而亡國鄭子產聽政以
其車濟人於溱洧君子惜其惠而不知為政特舉
夏令以詔諸人蓋其所繫若此顧世之庸俗吏
弗以為先也若德階者可謂力行先王之政矣

便益橋在鈔關水竇上明正德十五年主事趙錦建

洗馬橋在新城馬監前

止馬橋在大東門外相傳明武宗南巡百官至此下馬

故名俗呼臣止馬橋

法海橋在法海寺前明嘉靖四年揚州衛指揮火晟造
通運橋在北倉官河西岸

承寧橋在東水關東西跨運河即通泰渡也一名通泰
橋後廢易以浮橋通往來久之浮橋亦廢明萬曆間知
縣張寧復之後又廢

上方橋在城東北五里明正統三年僧如瑄募造漕河

通志改北來橋今名高橋

月明橋在禪智寺前今水堙橋亦圯廢

附錄唐張祜詩十里長街市井連月明橋上看神
仙人生只合揚州死禪智山光好墓田明

高壚詩何處月明橋花宮對浦
潮即今明月夜時有客吹簫

江都縣志 卷八 山川志

五

擣衣橋明沈德符詩云佳名二十四最好擣衣橋疑二

十四橋之一也

萬里橋隋置久廢

附錄宋晁補之詩皂角村南三里許春江不隔一
程遙雙堤闕起如牛角知是隋家萬里橋

十五橋唐張喬寄維揚故人詩云月明記得相尋處城

鎖東風十五橋今莫知其處或云其所居在二十四

橋之半故云十五橋也

蔣家橋在左衛街南

夾剪橋在新城內

宛虹橋在新城內

彌勒庵橋在新城內

江家橋在便益門內

霍家橋在城東長命港東

響水橋在南門外

三板橋在舊城內文昌樓北

葉公橋在北門外葉侍郎墓前相傳造橋時土中掘得白玉一片上有葉公橋三字蓋前定云

雙橋在西門外七里店東

石馬橋在城南新河邊

相別橋在城西七里俗呼象鼻橋

江都縣志

卷八 山川志

五

安江橋在城東三江會口明正德間民王鑿造

清平橋在棲靈寺前明成化七年揚州衛指揮陳昱造高宗本有記

二里橋在城南清涼寺北

高家橋在城東十里跨沙河

九龍橋在城南跨舊官河一曰三里橋

五里橋在城西五里東西跨小壩

迎恩橋在北門外二里歲久圯廢雍正五年邑人陸時達重造

小市橋在北水關外一名宵市橋相傳隋煬帝於此開

夜市

附錄 國朝宗元鼎詩豐樂名存酒庫荒隋家蹟
寶城傍河橋尚憶繁華夜小市春燈煮百羊

紅橋在北門外一名虹橋府志云朱欄跨岸綠楊映堤

酒帘掩映為勝遊之地 國朝王士徵有紅橋遊記

附錄 王士徵江橋詩舟入紅橋路垂楊面面風銷
魂一曲水終古傍隋宮 水榭迎新秋素舸

白孤往漠漠柳綿飛時時落波上 彭桂泛舟紅
橋詩大東門出北門關兩岸樓窓對木間轉過一

灣回首看城頭還在綠楊間 綠陰深處隱垂霞
知是紅樓隔水斜前路權歌尋不見自拏雙槳撥

荷花 孫默紅橋園亭燕集詩出郭人俱遠招携
近水隈紅橋新酒榭淶水舊歌臺小伎能分韻山

僧亦舉杯更思霜雪裏留與問寒梅 汪楫暮秋
紅橋野望詩雨過虹長在登臨意邈然白楊官路

外黃葉女牆邊古渡嘶騎馬西風冷畫船酒旗知
客到飛出曲欄前 史申義紅橋詩紅橋無幾曲

江都縣志

卷八

山川志

五

秋水城隅長蓮葉已離披芙蓉正堪賞安得携童
揮深深搖盪槩非同洛濱戲不比山陰訪頗聞保

障湖蒲葦清流廣水天自容與人影久俯仰雅遊
無俗情勝地發遐想鳧各成羣蛺蝶見三兩秋

蟬鳴古柳吾舟或可榜未知此生間當著屐幾緇
袁于令浣溪沙詞郭外紅橋半酒家柳陰之下

有停車笙歌隱隱小窓紗 曲水已無黃篔簹夕
陽初處玉鈞斜綠荷開遍舊時花 宗觀人月圓

詞柳烟遮就揚州郭船出小紅橋藕塘白鳥湘簾
畫袖十里輕潮 年年此路山牽水惹驀地無聊

眼中事往酒邊
腸亂誰又吹簫

南磚橋在城東二里官河東岸明正統九年義民沈鼎

造漕河通志改名沙河口磚橋

北磚橋在城東二里官河東岸明正統九年義民沈鼎

造漕河通志改名月河磚橋

槐子橋在城北十二里槐子河

于家磚橋二一在城北槐子橋北一在城東二十里

槐家橋在城北十五里南北跨槐家河唐末楊行密張

神劍屯兵處

鳳凰橋在城北三十五里相傳昔有鳳凰止於此故名

楊子橋在城南十五里即楊子津

考證蔡寬夫詩話云潤州大江本與楊子橋為對

岸瓜洲乃江中一渚耳潮水昔通揚州城中唐李

頎詩鷓鴣山頂片雲晴揚州城裏見潮生大曆後

潮始不通今瓜洲與楊子橋相連自楊子距江三

江都縣志 卷八 山川志

五

十里瓜洲以閘為限雖楊子橋潮亦不通矣

附錄明汪廣洋詩楊子橋頭夜泊船水波纒定月

國朝毛姓詩京峴雲霞曙燕城草木周秋風渡寥

廓海色上金焦鳩盡瓜洲村人逢楊子橋鄉關吳

楚隔何處問歸潮

獐兒橋在城東北一十五里灣頭鎮南北跨運鹽河明

宣德元年改為拖板橋

湖口橋在城北五十里一名孫渡橋一名僧道橋長三

十餘丈在黃子湖口

宋家橋在湖口橋西北二十里為高郵江都分界處

老壩橋在黃子湖

黃玉橋在黃子湖

火燒橋在黃子湖

上官橋在上官鎮

東浮橋西浮橋俱在西興鄉

便橋在大儀鄉

通江橋在瓜洲鎮東西跨官河一名下閘

新橋在瓜洲鎮南北跨官河明洪武三年社長陸子成等造

白梢橋在瓜洲鎮白梢門外明景泰元年工部主事鄭鑑造

江都縣志

卷八 山川志

七

石橋在邵伯鎮美棠橋北東西跨官河古名虹霓橋久廢

惠政橋在邵伯鎮梵行寺東舊傳晉謝安以政惠民故名

寶公橋在邵伯鎮南明永樂間僧寶公募造康熙三十八年洪水決堤橋毀寺僧了愚募築長堤重建此橋於堤上

美棠橋在邵伯鎮街西今圯

通湖橋在邵伯鎮街東通朱家湖何正茂造

七截橋在邵伯鎮梵行寺西長十餘丈

大橋在城東五十里今爲大橋鎮一名帶橋
九里十三橋在宜陵鎮西

李塹河大橋在城東十八里通芒稻河開水下江

西板梁在南門外運河西岸南北跨市河口明洪武三年揚州衛馬指揮置

東板梁置同上在運河北岸

橫梁在廣陵驛南東西跨運河舊爲拖板橋久廢今則渡船以通往來

舊梁在瓜洲鎮南北跨運河舊名通驛橋今圯

傳曰辰角見而雨畢天根見而水涸雨畢而除道

江都縣志

卷八

山川志

五

水涸而成梁先王之教也江都水陸要衝橋梁之載於舊志者今且增倍無者初始圯者修復架木甃石隨時畚揭而無隳廢長津大豬之間不聞苦葉之歌足見里人之好義趨事而

王政之四達不悖於此獲觀其盛矣

論曰揚州土甚平曠無高山峻嶺巖巖幽谷之勝惟蜀岡綿亘於西北乍起乍伏忽隱忽現蜿蜒數千里朱子云自嶧冢漢水之北生下一支自揚州而盡論者以爲形家之言豈其然耶川之在揚州者江爲大濫觴於岷山東入於海郭璞所賦表神

委於江都混流宗而東會洋洋乎大觀也漕河由江達淮輸輓接濟而三湖泛溢時爲民患自康熙三十八年

聖駕南巡指授方畧淮黃永奠久慶安瀾矣顧江都非水之發源而爲衆流滙集之區江都非水之尾閘而爲注江歸海之路且長堤虹亘閘壩蓄洩之制上關漕運下切民田故凡前人石畫有禪於江都水利者謹采擇附錄於河渠之下以備觀覽若名臣奏疏河防條議甚多俱不敢泛及焉

江都縣志卷之八終

江都縣志

卷八

山川志

五